

წმინდა ალაპიტა - კიევ-პეჩორის ლავრის უვერცხლოდ მკურნალი



წმინდა ალაპიტა მოღვაწეობდა XI საუკუნეში, კიევ-პეჩორის ლავრაში. ის წმინდა ანტონი პეჩორელის მოწაფე იყო.

დღე და ღამე ლოცულობდა და მონასტრიდან არ გადიოდა. თუ მონასტრის საძმოდან ვინმე ავად გახდებოდა, წმინდა ალაპიტა უვლიდა, აჭმევდა მოხარშულ ბალახებს. ლოცულობდა სნეულებისთვის და წმინდანის ლოცვით დაუყოვნებლივ იკურნებოდნენ.



ამ დროს კიევში ცხოვრობდა ერთი სომეხი ექიმი, რომელიც ავადმყოფს ერთი თვალის შვევლებით უტყუარ დიაგნოზს უსვამდა, ეუბნებოდა გარდაცვალების დღეს. ერთხელ

ერთ-ერთი ასეთი ავადმყოფი მივიდა წმინდა ალაპიტასთან. წმინდანმა მისცა მისი მომზადებული ბალახები, ილოცა მისთვის, სწეულმა მიიღო და განიკურნა. ეს ამბავი გაიგო სომეხმა ექიმმა და შეშურდა წმინდა ალაპიტასი. მივიდა წმინდანთან და მისი მოწამვლა მოინდომა, მაგრამ უფალმა არ დაუშვა ეს – შხამმა არ იმოქმედა წმინდანზე.

ამის შემდეგ თავად წმინდა ალაპიტა დასწეულდა. მივიდა სომეხი ექიმი მასთან, დახედა და უთხრა: სამ დღეში მოკვდებით და პირობა დადო, თუ ჩემი ნათქვამი არ აღსრულდება, მართლმადიდებელი ბერი გავხდებით. წმინდანმა უპასუხა, – უფალმა განმიცხადა, რომ კიდევ 3 თვეს ვიცოცხლებო. მართლაც, წმინდანმა იცოცხლა 3 თვე და აღესრულა 1095 წლის 1/14 ივნისს. ამის შემდეგ სომეხი ექიმი მივიდა მონასტრის ილუმენთან, განუცხადა მომხდარის შესახებ, მოინანია ცოდვები და მიიღო მართლმადიდებლობა. თქვა: “მჯერა, რომ წმინდა ალაპიტა უფლის წმინდანია, მე კარგად ვიცი, რომ მისი ავადმყოფობა 3 დღეზე მეტს ვერ გასტანდა და უფალმა მისცა კიდევ 3 თვე”. ასე განკურნა და მოაბრუნა ღვთისკენ წმინდანმა სომეხი ექიმი და იხსნა დაღუპვისაგან.

წმინდა ალაპიტას ლოცვით მრავალი განიკურნა არა მარტო მისი ცხოვრების მანძილზე, არამედ დღესაც მის წმინდა უხრწნელ სხეულთან ვინც რწმენით და ლოცვით მიდის, ის დღესაც წყალობს მართლმადიდებლებს და იფარავს ზეციდან წმინდა ლოცვით.

წმინდა ალაპიტას უხრწნელი სხეული დასვენებულია კიევ-პეჩორის ლავრის ახლო მღვიმეში. ყველა მორწმუნეს აქვს შესაძლებლობა მიემთხვიოს მის წმინდა სხეულს. “წმინდაო მამაო ალაპიტა, ევედრე ღმერთსა ჩვენთვის”.

karibche.ambebi.ge